

Нугъсд икӕр ӕскхмн

Республикин колхозмуд болн совхозмуд эн джилд 250 минъгън нугъсдин гууджмлмуд хулддж авхмн гидж 1958 джилин июнин 16-д, КПСС-н Халъмг танъгъчин комитет болн танъгъчин кӕцӕгч комитет шиидлӕ.

Энӕнӕс нааран хойр сар ӕнъгрдж одв. Болв, колхозмуд болн совхозмуд нугъсд хулддж авлгъна зурагъан эс кӕцӕдж.

Келхд, Западн болн Яшалтинск райодин эдл-акус эн джил инкубаторн станцас болн эврӕннъ нугъсдан дарулдж 100 минъгън нугъсна гууджмл авх зурата бӕӕсмн, теруӕнӕснъ зуг 50 минъгън гууджмлмуд хулддж авцхадж.

Элст балгъсна колхозмуд 30 минъгън нугъсна гууджмлмуд хулддж авх зурата бӕӕсмн. Теруӕнӕснъ „Страна Советов“ колхоз зуг 1200. „Победа“ колхоз—1500 нугъсна гууджмлмуд хулддж авцхадж. „Буратинский“ совхоз болхла

ода кӕртл нег чигн нугъс хулддж эс авч.

Сарпинск болн Яшкульск райодин эдл-ахуст уста боодгуд, нуурмуд оln бӕӕнӕ. Болв теруӕгӕн эзн кевӕр олзлджахмн уга. Юнъгад гихлӕ, райодин, совхозмудин болн колхозмудин гардачнр нугъсд ӕсклгънӕ чинринъ сӕӕнӕр медлж эс авсна аш гидж санх кергтӕ.

Мах икӕр гаргългъна туск тӕрт нугъсд болн галуд ӕсклгън ик чинр зууджӕнӕ. Юнъгад гихлӕ, нугъсдин болн галудин гууджмлмуд йир шулугъар ӕсдж мах бӕрнӕ. Дакад бод малин болн хбӕнӕ махнас джӕблн болн шимтӕ, шинъглттӕ хот болхмн.

Нугъсна гууджмлмуд 70 хонгин эргцд цогциннъ чинънурнъ 2600-3100 грамм кӕрч ӕснӕ. Уста боодгудар болн нуурмудар нугъсдт идх ургъл хот ик. Тер тӕлӕд республикин колхозмуд болн совхозмуд нугъсд икӕр ӕскдж,

мах гаргългъиг икдӕлх кергтӕ.

Нег гектар боодгин уснд 150 нугъсна гууджмлмуд бӕӕрдж болхмн, ташр нугъсна бог-шеегт боодгин болн нуурин усн ботъхрдж урджӕхмн уга. Нугъсна бог-шеегиг усна хорхас хот кегъӕд, йир ол ӕснӕ. Тер усна хорхасиг загъсд хот кегъӕл, сӕӕнӕр ӕсд таргълна. Тегӕд боодгудин болн нуурмудт бӕӕх загъсд усна хорхас идӕд, мах бӕрӕд, бийиннъ чинънурнъ 15 процент кӕрч ӕснӕ. Эн учрар колхозмуд болн совхозмуд боодгасн болн нуурмудасн хойр дамар олз авч чадхмн, негдвӕр болхла нугъсд ӕскдж, мах икӕр авх, хойрдвар—загъс икӕр бӕрдж авх.

Республикин колхозмуд болн совхозмуд эн джилд нугъсна гууджмлмуд хулддж авлгъна зурагъан эрк биш кӕцӕгъӕд, усна шовуд олар ӕскх зӕвтӕ.

Б. БОЛДЫРЕВ.